



Tal Salon dal popul di Palaç D'Aronco, a Udin, fintremai ai 16 di Otubar, la mostre di quadris di Berto Chiarandini, tra i plui preseâts e cognossûts artiscj dal 900 in Canadâ.

» DI FLAVIO VIDONI



Alberto Chiarandini e, chi in bande, il so autoritrât di zovin

colaborazion cu la dotore **Vania Gransinigh** dai Museus civics di Udin e, di chê altre bande de aghe grande, cul Georgina Arts Center & Gallery, ven a stai il centri cultural de citât di Georgina, che al ospite cuasi dusinte dai plui o mancun trê mil quadris che Chiarandini al à piturât inte sô vite, soredut paisaçs (testemoneancis di grant valôr su la evoluzion dal panorame canadês intai ultins 50 agns) e ritrats, ma ancje naturis muartis e altris sogjets.

Berto al jere nassût a Udin ai 30 di Setembar dal 1915. Za di frut i plaseve scarabocjâ cun ducj i materiâi che a davin jù colôr, doprant spacetis, sborfs, scovets. Cuant ch'al veve 15 agns lu cjapà su come aprendist il famôs scultôr udinês **Vigji Moro**. Doi agns daspò al jere za in Canadâ cun so pari e l'âl decidè di continuâ i studis ch'al veve scomençâts a Udin, intal Ontario College of Art di Toronto. Tal 1938 un so quadri, un ritrat, al fo acetât a la mostre anuâl de Ontario Society of Artists. Al fo il prin pas di une lungje e produtive carriere. Un dai moments plui carateristics de ativitât pitoriche di Chiarandini al fo l'incuintri, te seconde metât dai agns Sessante, cui hippies che a circolavin a Toronto e dulintor, in grande part merecans renitents ae leve: al diventà il lôr naratôr. Dai ritrats dai hippies esponûts tes galeriis ai ritrats di personalitâts de vite politiche e culturâl dal Ontario e dal intîr Canadâ il pas al fo une vore svelte.

✉ ilfriuli@ilfriuli.it

Il pitôr furlan dai hippies

Inte interviste che mi veve dade doi agns prime di murî, intal 2005, cuant che al veve 90 carnevâi su lis spalîs e al viveve inte Cjase di ripôs dai furlans a Woodbridge, in bande de Fame furlane di Toronto, si augurave che une di un dai siei quadris al finis ae Gamud, le galerie di art moderne di Udin.

Poben, cumò, dîs agns daspò, a son trente i quadris di **Berto Chiarandini** (che in Canada, là che al à vivude cuasi dute la sô lungje vite lu clamavin Albert) in bieles mostre intal Salon dal Popul di Palaç D'Aronco, ven a stai tal municipi

udinês. Un omaç de citât, duncje, a cent agns de nassite di chest so fi che no dome tal Ontario, ma in dut il Canadâ al è ben cognossût e preseât sicu un dai artiscj plui impuartancj dal Nûfcent di chê nazion.

OMAÇ DE CITÂT A UN SO FI

Le mostre udinese, che e restarà vierte fintremai il 16 di Otubar, e je stade immaneade de professoressa di inglêsi intal Ateneu furlan **Anna Pia De Luca**, inte sô veste di presidente dal Centri di culture canadese de Universitât, in

ARLEF

Bant par comprâ oparis in lenghe

La Arlef (Agjenzie regionâl pe lenghe furlane) e met a disposizion, cuntun bant di pueste, 28.000 euros par comprâ oparis di nivel cualitativ alt in lenghe furlane.

Tai detai: 15.000 euros a saran destinâts par comprâ publicacions pe infanzie, di un minim di 500 copiis a un massim di 2.000 copiis par titol; 6.000 euros par comprâ publicacions di caratar letarari (poesie, prose, dramaturgjie...), di un minim di 300 copiis a un massim di 2.000 copiis par titol; 4.000 euros par comprâ classics de letature voltâts in lenghe furlane, di un minim di 300 copiis a un massim di 2.000 copiis par titol; 3.000 euros par comprâ publicacions di caratar sagjistic (di un minim di 50 copiis a un massim di 2.000 copiis par titol).

Lis propuestis a àn di jessi presentadis o inviadis dome li de sede de Arlef, a Udin (in vie Prefettura 13), dentri il tiermin massim des oris 12.00 dai 25 di Otubar dal 2015. Par vê informazzions in plui: arlef@regione.fvg.it, www.arlef.it.

SCOLTADIS DI DRIUS

Mangjâ sitiç

"A mi chel Viagra li no mi fâs nissun efiet. Beât el timp ch'al someave di vê un mani di len".
Atu provât a mangjâ seadure?



Euronews informa

Zovins plui vicins ae publiche aministrazion cu lis gnovis tecnologjiis

Tal Salon dal Consei di palaç Belgrât si è davuelt l'event finâl dal proçet CTA "Comunicazion Tecnologiche Ative" promovût de Union des Provinciis dal Friûl Vignesie Julie, finanziât de Agjenzie Nazionâl pai Zovins e de Union Provinciis Talianis tal ambit di "BeActive - Azions inovativis di svilupadis dai zovins pai zovins". Il President de UPI FVJ, Pietro Fontanini al à sotliniât la impuartance di coinvolzi i citadins di doman midiant praticis di citadance ative: "Chescj zovins a àn vût la pussibilitât - al à dit - di cognossi i mecanisims di funzionament de Publiche Aministrazion e di ideâ struments tecnologjics come video, app e blog che a podaran miorâ il sisteme public". La Assessore a lis Politichis pai zovins, Elisa Battaglia, e à ricuardât i plui di 2 mil students des scuêlis secundariis di secont grât di dute



la Region impegnâts sul teme "la gnove Europe dai zovins": "Chesta iniziative - e à confermât - e je nassude cul obietif di favorî la partecipazion dai students midiant lis aplicazzions des ICT, ancje par rispindi aes esigjencis des aministrazions publichis". Lis Provinciis di Por-



denon, Triest e Gurize a àn cjapât sù i esits de iniziative in workshop dedicâts a lis finalitâts specificis de strategie "Europe 2020": crescite intelligente, sostignibile e inclusive. La part de Europe come gnove comunitât di riferiment pai zovins e je stade sotliniade ancje

tai intervencis dai assessôrs a lis Politichis pai zovins des Provinciis di Pordenon, Elisa Coassin, di Gurize, Federico Portelli, di Triest, Roberta Tarlao, e daûr a son vignûts i intervencis di chei altris partners dal proçet, Gianpiero Licinio (president Associazione Tetraplegjics FVJ onlus) e Giuseppe Santoro (dirigjent scolastic ISIS "Vincenzo Manzini" di S.Denêl) incentrâts sul protagonisim positiif dai students sensibilizâts a creâ struments a servizi de comunitât e des aministrazions.

Daspò dal messaç fat pe ocasion di bande dal parlamentâr european Lorenzo Fontana a son intervignûts come testimonials Stefano Buiani e Matteo Squizzato, cofondadôrs de start up made in FVJ, Watly, une machine par depurâ sedi lis aghis incuinadis sedi chês di mâr, trasformantlis in aghe di podê bevi doprant energie termiche, separant e condensant il vapôr di aghe, proçet che al à vût 2 milions di euro di finanziament di bande de Comission Europeane e che al podarà representâ un jutori tai paîs in vie di svilup. L'event al è stât moderât dal comunicatôr Luca Pagliari.